



PAENITENTIARIA APOSTOLICA

Prot. N. 17/19/I

DECRETUM


PAENITENTIARIA APOSTOLICA, ad augendam fidelium religionem animarumque salutem, vi facultatum sibi specialissimo modo a Sanctissimo in Christo Patre et Domino Nostro, Domino Francisco Divina Providentia Papa tributarum, attentis precibus nuper allatis a Gloria Rodríguez, Directrice Generali Societatis vitae apostolicae "Consecratae de Regno Christi" nuncupatae et nuper canonice erectae, in aureo eiusdem Societatis iubilaio, de caelestibus Ecclesiae thesauris benigne concedit *plenariam Indulgentiam*, suetis sub condicionibus (sacramentali Confessione, eucharistica Communionem et orationem ad mentem Summi Pontificis) a sodalibus et christifidelibus vere paenitentibus atque caritate compulsis, totum per annum MMXIX lucranda: - die VIII cuiusque mensis; - die XXVIII Iunii, in sollemnitate Sac. mi Cordis Iesu; die VIII Decembris, in sollemnitate Immaculatae Conceptionis Beatae Mariae Virginis et ipso die anniversario, quam etiam animabus fidelium in Purgatorio detentis per modum suffragii applicare possint, si quodlibet templum eidem Societati spectante in forma peregrinationis inviserint et ibi iubilantibus ritibus devote interfuerint, vel saltem per congruum temporis spatium piis vacaverint considerationibus, concludendis Oratione Dominica, Symbolo Fidei atque invocationibus Beatissimae Virginis Mariae.

Senes, infirmi, omnesque qui gravi causa domo exire nequeunt, pariter *plenariam* consequi poterunt *Indulgentiam*, concepta detestatione cuiusque peccati et intentione praestandi, ubi primum licuerit, tres consuetas condiciones, si iubilantibus celebrationibus se spiritaliter adiunxerint, precibus doloribusque suis vel incommodis propriae vitae misericordiam Deo oblatis.

Quo igitur accessus, ad divinam veniam per Ecclesiae claves consequendam, facilius pro pastoralis caritate evadat, haec Paenitentia enixe rogat ut sacerdotes opportunis facultatibus ad confessiones excipiendas praediti, prompto et generoso animo, celebrationi Paenitentiae sese praebeant.

Praesenti totum per aureum Consecratarum de Regno Christi iubilaeum valituro. Non obstantibus in contrarium facientibus quibuscumque.

Datum Romae, ex aedibus Paenitentiae Apostolicae, die VII mensis Ianuarii, anno Domini MMXIX.


MAURUS Card. PIACENZA
Paenitentiaris Maior


CHRISTOPHORUS NYKIEL
Regens